




ხაშურის მთაშვე



№27 (158)

9 ივლისი, ორშაბათი,

2018 წელი

მუნიციპალიტეტის საკრებულოს სესია

3 ივლისს, ადმინისტრაციული სახლის სხდომათა დარბაზში, გაიმართა ხაშურის მუნიციპალიტეტის საკრებულოს სესია, რომელსაც უძღვებოდა საკრებულოს თავმჯდომარე მიხეილ ჯანაშვილი.

დღის წესრიგის განხილვამდე, რომელიც ცამეტი საკითხისგან შედგებოდა, სესიამ მოუსმინა გარემოსა და სოფლის მეურნეობის სამინისტროს ხაშურის საინფორმაციო-საკონსულტაციო სამსახურის უფროსს ჯემალ გელაშვილს, რომელმაც ისაუბრა მუნიციპალიტეტში, სოფლის მეურნეობის კუთხით არსებულ მდგომარეობაზე. გამოსვლაში დიდი ადგილი დაუთმო ალოობის პროცესს, რომელიც სულ რამდენიმე დღეა, რაც დაიწყო და წარმატებით მიმდინარეობს.

სესიაზე გამოტანილი რამდენიმე საკითხი ეხებოდა საკრებულოს მიერ წინა პერიოდში მიღებულ დადგენილებებში ცვლილებების შეტანას, რაც აუცილებლობიდან იყო გამომდინარე. საკრებულოს წევრებმა მხარი დაუჭირეს ამ ცვლილებებს.

საკრებულოს წევრებმა, სესიაზე, დაამტკიცეს საჯარო ინფორმაციის პრაქტიკული გამოქვეყნების წესი და ამ ინფორმაციის ელექტრონული ფორმით მოთხოვნის სტანდარტი.

საკრებულომ თანხმობა მისცა მუნიციპალიტეტის მერს, რომ "საქართველოს მყარი ნარჩენების კომპანიის" მიერ გადმოცემული 150 ცალი ნაგავშემკრები კონტეინერი, სარგებლობის წესით, პირდაპირი განკარგვით, თხოვების ფორმით და ა(ა)იპ-ის არსებობის ვადით, გადაეცეს "ხაშურსერვისს".

შემდეგ საკითხად, საკრებულოს წევრებმა დაამტკიცეს მუნიციპალიტეტის საკუთრებაში არსებული ქონების პრივატიზაციის გეგმა.

საკრებულოს თანხმობით, საქართველოს საპატრიარქოს გადაეცა ხაშურის მუნიციპალიტეტის მერიის ბალანსზე რიცხვული ლითონის მალის ნაშენი (14 ტონა) და რკინა-ბეტონის მილის სექციები (2,5-4 მეტრი 6 ცალი). ასევე, საპატრიარქოს



გადაეცა მუნიციპალიტეტის საკუთრებაში არსებული, ხაშურში, ოქტომბრის ქუჩაზე მდებარე უძრავი ქონება. გადაცემა მოხდება უსასყიდლოდ, სარგებლობის უფლებით, აღნაგობის ფორმით.

სესიის ბოლოს, საკრებულოს წევრებმა მოისმინეს მუნიციპალიტეტის მერიის ადმინისტრაციული სამსახურის ხელმძღვანელის ანგარიში 2018 წლის პირველ ნახევარში გაწეული საქმიანობის შესახებ.

საქართველოს ცხოველთა დაცვის ფედერაციის განცხადება

საქართველოს ცხოველთა დაცვის ფედერაციის რეკომენდაციების საფუძველზე, ხაშურის მუნიციპალიტეტის საკრებულოს მიერ, მიღებულ იქნა დადგენილება „ხაშურის მუნიციპალიტეტის ტერიტორიაზე ბინადარი შინაური ცხოველების - ძაღლების და კატების მოვლა-პატრონობის და მათი პოპულაციების მართვის წესის დამტკიცების შესახებ“. აღნიშნული დადგენილება ითვალისწინებს უსახლკარო ცხოველთა პოპულაციის მართვის საერთაშორისოდ აპრობირებულ სტანდარტებს, აღნიშნული დადგენილების მეორე მუხლის თანახმად, ხაშურის საკრებულოს მიერ, განისაზღვრა, რომ ზემოაღნიშნული წესი გავრცელდება ცხოველთა შემდეგ სახეობებზე: ძაღლი, კატა. გამომდინარე იქედან, რომ ხაშურის მუნიციპალიტეტში სშირია უზედამხედველოდ ცხოველთა მიტოვების ფაქტები, საჭიროა ცხოველთა (ძაღლებისა და კატების) პოპულაციის კონტროლი, და გარკვეულ შემთხვევებში, შეზღუდვა. ასევე, განისაზღვრა გარკვეული რეგულაციები ცხოველთა (ძაღლებისა და კატების) მომშენებლების მიმართ, მათ შორის დადგენილების მე-11 მუხლის მესამე ნაწილით, აიკრძალა სხვადასხვა დაავადებების შემთხვევებში და ასევე, პოპულაციური კონტროლის მიზნით, 2 წლამდე და 6 წელს ზემოთ და წელიწადში ერთზე მეტად მათი გამრავლება. დადგენილება შედგენილია საერთაშორისო სტანდარტების შესაბამისად და ითვალისწინებს ცხოველთა დაცვის პრინციპებს, განსაზღვრავს იმ შემთხვევებს, თუ რა შეიძლება ითვლებოდეს ცხოველისადმი სასტიკ მოპყრობად და განსაზღვრავს სხვადასხვა პრობლემათა ეფექტური გადაჭრის მეთოდებს. აღნიშნული დადგენილების მიღება წარმოადგენს, ცხოველთა დაცვის კუთხით, წინ გადადგმულ უდიდეს ნაბიჯს ხაშურის მუნიციპალიტეტში, მსგავსი რეგულაციები მიღებული აქვს საქართველოს სხვადასხვა მუნიციპალიტეტს, ასევე მოქმედებს სხვა მრავალ განვითარებულ და გან-

ვითარებად ქვეყანაში და განსაზღვრულია, ცხოველთა დაცვის კუთხით, არსებული საერთაშორისო რეგულაციებით.

მიუხედავად ყოველივე ზემოაღნიშნულისა, ტელეკომპანია „თრიალეთის“ ჟურნალისტის მიერ მომზადდა სრულიად არაპროფესიონალური და არაკომპეტენტური რეპორტაჟი. ჟურნალისტი, რომელიც არც კი იყო გაცნობილი სრულად დადგენილებას და არც იყო გაცნობილი იმ ფაქტს, რომ დადგენილება მეორე მუხლით ვრცელდებოდა მხოლოდ ძაღლებისა და კატების მიმართ, მაინც ახდენდა რესპოდენტების შეცდომაში შეყვანას და მიაწოდა არასწორი ინფორმაცია მათ, თითქოს, დადგენილება ყველა სახეობის ცხოველზე ვრცელდებოდა (აღნიშნავთ იმ გარემოებას, რომ საკრებულოს კომპეტენციას არ განეკუთვნება ყველა სახეობის ცხოველებთან დაკავშირებული დადგენილების მიღება), ასევე ჟურნალისტი აღნიშნავდა, რომ საკრებულომ თითქოს ცხოველებს აუკრძალა გამრავლება, აკრძალა ვრცელდება ცხოველთა გამრავლებლებზე/მომშენებლებზე და რთული მისახვედრი არ არის, რომ რეგულაციის დარღვევისათვის პასუხისმგებლობის ზომა დაეკისრება მეპატრონეს და არა ცხოველს. აღნიშნული ქმედება ტელეკომპანია „თრიალეთის“ მხრიდან წარმოადგენს ჟურნალისტური ეთიკის წესების დარღვევას და აღნიშნულთან დაკავშირებით ჩვენს მიერ მიემართება საქართველოს ჟურნალისტური ეთიკის ქარტია - ს, ასევე, აღნიშნულ ტელეკომპანიას მივმართავთ გააკეთოს ახალი რეპორტაჟი, რომელშიც ჩვენს წარმომადგენელს მიეცემა კომენტარის საშუალება და რეპორტაჟი იქნება ობიექტურად მომზადებული.

ხაშურის მუნიციპალიტეტის თვითმმართველობის ორგანოებს მადლობას მოვახსენებთ, ზემოაღნიშნული დადგენილების მიღებისთვის, რომელმაც უნდა უზრუნველყოს ცხოველთა უპასუხისმგებლო მეპატრონეთა მიმართ პასუხისმგებლობის ზომის დაკისრება, რაც უზრუნველყოფს ცხოველთა პოპულაციის ეფექტურად და სწორად მართვას.

საქართველოს ცხოველთა დაცვის ფედერაცია

ხაშურის მუნიციპალიტეტის მერიის ადმინისტრაციული სამსახურის ანგარიში 2018 წლის 6 თვეში გაწეული მუშაობის შესახებ

ხაშურის მუნიციპალიტეტის მერიის ადმინისტრაციული სამსახური შედეგადად ოთხი განყოფილებისაგან, შესყიდვებისა და მატერიალურ-ტექნიკური უზრუნველყოფის განყოფილება, საქმისწარმოებისა და ადამიანური რესურსების მართვის განყოფილება, წარმომადგენლების საქმიანობის კოორდინაციის განყოფილება და საზოგადოებასთან ურთიერთობის და საინფორმაციო განყოფილება, სამსახურში სულ დასაქმებულია 48 საჯარო მოსამსახურე.

სამსახურის შესყიდვებისა და მატერიალურ-ტექნიკური უზრუნველყოფის განყოფილების მიერ, 2018 წლის 1 იანვრიდან 2018 წლის 25 ივნისის ჩათვლით, მომზადდა და გამოცხადებული იქნა 43 ტენდერი, საიდანაც 29 ტენდერი დასრულდა დადებითი შედეგით, გაფორმდა ხელშეკრულებები, სახელმწიფო შესყიდვის შესახებ (გამოცხადებული ტენდერების სავარაუდო ღირებულება შეადგენს 4 991 366.36 ლარს, გაფორმებული ხელშეკრულებების ჯამური ღირებულება შეადგენს 3 902 556.91 ლარს, ეკონომია 1 088 809.45 ლარი). გამოცხადებული ტენდერებიდან არ შედგა 10 ტენდერი, 4 ტენდერი დასრულდა უარყოფითი შედეგით. აღნიშნული ტენდერები გამოცხადდა განმეორებით.

2018 წლის I-II კვარტალში (1 იანვრიდან - 25 ივნისის ჩათვლით), სულ განხორციელებულია 108 შესყიდვა, რამაც გაფორმებული ხელშეკრულებების მიხედვით შეადგინა 4 184 608.74 ლარი, მათ შორის გამარტივებული შესყიდვის საშუალებით გაფორმებულია 73 ხელშეკრულება, 232 615.20 ლარის ღირებულების, ელექტრონული ტენდერების საშუალებით გაფორმებულია 35 ხელშეკრულება, 3 951 993.54 ლარის ღირებულების.

ხაშურის მუნიციპალიტეტის მერიის ადმინისტრაციული სამსახურის მერიის წარმომადგენლების საქმიანობის კოორდინაციის განყოფილებაში, 2018 წლის იანვრიდან დღემდე, შემოსულია 1278 განცხადება და წერილი, აქედან მიწის ნაკვეთის იდენტიფიკაციის დადასტურების შესახებ - 888 წერილი, კომლის შემადგენლობისა და მასზე რიცხული ქონების შესახებ - 82 წერილი, ადგილწარმოშობის ცნობის გაცემის შესახებ - 20 განცხადება (გაცემულია - 11 ადგილწარმოშობის ცნობა). შემოსული და რეაგირებულია სამსახურე მერქნის გამოყოფაზე შუამდგომლობის შესახებ - 19 განცხადება, საშემე მერქნის სიაში რეგისტრაციაზე დახმარების შესახებ - 6 განცხადება, ავარიული ხის მოჭრის შესახებ - 18 განცხადება და - 245 სხვადასხვა განცხადება. ჩატარდა მაღალმთიან დასახლებებში სტატუსის მართვის საბჭოს 7 სხდომა, სტატუსის მინიჭების თაობაზე განაცხადი შემოიტანა 59 მოქალაქემ, მაღალმთიან დასახლებებში მცხოვრების სტატუსი მიენიჭა 50 მოქალაქეს, მინიჭებაზე უარი ეთქვა - 9, ხოლო სტატუსი შეუწყდა 14 მოქალაქეს. სტატუსის შესახებ მომზადდა 67 საინფორმაციო წერილი. მერის წარმომადგენლების მიერ, მონიტორინგის მიზნით, გადამოწმებული იქნა 296 მოქალაქის სტატუსი (გადამოწმების შედეგად სტატუსი შეუწყდა 2 მოქალაქეს).

ხაშურის მუნიციპალიტეტის მერიის ადმინისტრაციული სამსახურის საქმისწარმოებისა და ადამიანური რესურსების მართვის განყოფილებაში დოკუმენტაციის მისაღებად გამოიყენება ორი პროგრამა: დოკუმენტბრუნვის ერთიანი ელექტრონული სისტემის პროგრამა და მუნიციპალიტეტის მართვის პროგრამა.

2018 წლის 1 იანვრიდან დღემდე, ხაშურის მუნიციპალიტეტის მერიაში, დოკუმენტბრუნვის ერთიანი ელექტრონულ სისტემის პროგრამაში, როგორც ელექტრონულად, ისე ქაღალდის მატარებლით (ხელზე) ადგილობრივი ორგანიზაციებიდან და ზემდგომი ორგანოებიდან შემოსულია სულ 7575 წერილი, სამინისტროებში, სსიპებში და სხვადასხვა ზემდგომ ორგანოებში გაგზავნილია 6810 წერილი.

მუნიციპალიტეტის მართვის პროგრამაში MMS-ში რეგისტრირებულია მოქალაქეთა 3401 განცხადება.

დოკუმენტბრუნვის ერთიანი ელექტრონული სისტემით, საერთო საკადრო საკითხებზე, გამოცემულია ხაშურის მუნიციპალიტეტის მერიის 1437 ბრძანება,

ხოლო პირადი შემადგენლობის ანუ საკადრო საკითხებზე - 536 ბრძანება. რაც შეეხება ხაშურის მუნიციპალიტეტის მერიის დადგენილებას, 2018 წლის 1 იანვრიდან 30 აპრილის ჩათვლით, გამოცემულია 7 დადგენილება.

2018 წლის 1 იანვრის მდგომარეობით, ხაშურის მუნიციპალიტეტის მერიაში საშტატო ნუსხით გათვალისწინებული იყო 142 საშტატო ერთეული. განხორციელებული რეორგანიზაციის შედეგად, საშტატო რიცხოვნება განისაზღვრა 138 საშტატო ერთეულით, აქედან, დღევანდელი მდგომარეობით, ვაკანტურია 5 საშტატო ერთეული. შრომითი ხელშეკრულება გაფორმებულია 9 პირთან.

2018 წლის პირველ ნახევარში, პირადი განცხადების საფუძველზე, დაკავებული თანამდებობიდან გათავისუფლდა 3 საჯარო მოსამსახურე, 1 საჯარო მოსამსახურე გათავისუფლდა დაკავებული თანამდებობიდან დისციპლინური პასუხისმგებლობის ზომის შეფარდების საფუძველზე, 2 საჯარო მოსამსახურე გათავისუფლდა რეორგანიზაციის საფუძველზე შტატის შემცირებასთან დაკავშირებით, 5 საჯარო მოსამსახურე რეორგანიზაციის საფუძველზე გადაყვანილი იქნა სხვა თანამდებობაზე.

2018 წლის პირველ ნახევარში, კონკურსის საფუძველზე, თანამდებობაზე დაინიშნა 1 საჯარო მოსამსახურე - იურიდიული უზრუნველყოფის სამსახურის ხელმძღვანელი.

ხაშურის მერიის ადმინისტრაციული სამსახურის საზოგადოებასთან ურთიერთობის და საინფორმაციო განყოფილების მიერ, 1 იანვრიდან დღემდე, მუნიციპალიტეტის facebook-ის ოფიციალურ გვერდზე აიტვირთა 100-ზე მეტი სხვადასხვა შინაარსის და თემატიკის facebook პოსტი. ინფორმაციის ატვირთვა და განახლება სოციალურ ქსელში ყოველთვის ოპერატიულად და მაქსიმალურად მოკლე დროში ხდებოდა.

ამას გარდა, გაზიარდა ხაშურის მუნიციპალიტეტში მცხოვრები მოქალაქეებისთვის მნიშვნელოვანი 100-ზე მეტი ინფორმაცია. აღსანიშნავია, რომ თითქმის ყველა facebook პოსტს, რომელიც ქვეყნდება, თან ერთვის მოქალაქეთა შეკითხვები, საზოგადოებასთან ურთიერთობის და საინფორმაციო განყოფილება მაქსიმალურად ცდილობს ყველა მოქალაქის შეკითხვას ამომწურავად უპასუხოს და ამისთვის კონსულტაციას გადის შესაბამის სამსახურებთან. 1 იანვრიდან დღემდე, პასუხი გაეცა მოქალაქეების 2000-ზე მეტ შეკითხვას.

ხელშეკრულების პირობების თანახმად, საზოგადოებასთან ურთიერთობის და საინფორმაციო განყოფილება მასალებს აწვდის საინფორმაციო სააგენტო ინტერპრენსიუსს, რომელიც ქვეყნის მასშტაბით ვრცელდება. 1 თებერვლიდან დღემდე, გავრცელდა 60-ზე მეტი ინფორმაცია.

საზოგადოებასთან ურთიერთობის და საინფორმაციო განყოფილება აქტიურად ურთიერთობს მედიის წარმომადგენლებთან და ეხმარება მათ ინფორმაციის მოპოვებაში, საჭიროების შემთხვევაში საზოგადოებასთან ურთიერთობის და საინფორმაციო განყოფილების თანამშრომლები აკეთებენ განცხადებებს მერიის სახელით.

1 იანვრიდან დღემდე, დოკუმენტბრუნვის ელექტრონულ სისტემაში საზოგადოებასთან ურთიერთობის და საინფორმაციო განყოფილებამ მოამზადა და დაამუშავა 180-ზე მეტი წერილი.

საზოგადოებასთან ურთიერთობის და საინფორმაციო განყოფილების თანამშრომლები აქტიურად ურთიერთობენ მუნიციპალიტეტის ა(ა)იპ-ებთან, სამინისტროებთან, გუბერნატორის ადმინისტრაციასთან, სხვადასხვა მუნიციპალიტეტებთან, საერთაშორისო და არასამთავრობო ორგანიზაციებთან.

მნიშვნელოვანია, რომ საზოგადოებასთან ურთიერთობის და საინფორმაციო განყოფილების ძალისხმევით, ახლახანს შეიქმნა მუნიციპალიტეტის ახალი ვებ გვერდი, მისამართზე - khashuri.gov.ge, რომელიც ვიზუალურად სრულყოფილია და მნიშვნელოვან იმიჯს უქმნის მუნიციპალიტეტის მერიას. აქ შესაძლებელია მომხმარებელმა ნახოს ინფორმაცია ინფრასტრუქტურული პროექტების, მუნიციპალური პროგრამების, ადმინისტრაციული ერთეულების და მერიის ხელმძღვანელი პირების შესახებ. ვებ გვერდზე ასევე, განთავსებულია ადგილობრივი თვითმმართველობის შესახებ კანონმდებლობა.

დავით კიკნაძე,
მუნიციპალიტეტის მერიის ადმინისტრაციული
სამსახურის ხელმძღვანელი



სამედიცინო აქცია საზღვრისპირა სოფელში

ადმინისტრაციული, საზღვრისპირა სოფელ წაღვლის და წაღვლის ადმინისტრაციულ ერთეულში შემაგალი სოფლების მოსახლეობისთვის სამედიცინო აქცია გაიმართა.

აქცია ხაშურის მუნიციპალიტეტის მერიისა და ვ. ივერიელის სახელობის ენდოკრინოლოგიის, მეტაბოლოგიის და დიეტოლოგიის ცენტრ „ენმედიცის“ მხარდაჭერით მოეწყო.

სამედიცინო ღონისძიება დაავადებათა ადრეულ გამოვლენასა და დროულ და ადეკვატურ მკურნალობას ისახავდა მიზნად.

მოქალაქეთა პროფილაქტიკურ გასინჯვებში სხვადასხვა ექიმი-სპეციალისტები მონაწილეობდნენ. მათ შორის: ენდოკრინოლოგი, ბავშვთა ენდოკრინოლოგი, ოფთალმოლოგი, კარდიოლოგი, ნევროლოგი, თერაპევტი, გინეკოლოგი, ოტოლარინგოლოგი, ანგიოლოგი. გასინჯვისას განხორციელდა ინსტრუმენტული და ლაბორატორიული კვლევებიც.

აქცია საქართველოს კათალიკოს-პატრიარქის ლოცვა-კურთხევით წარიმართა.

როგორც ვ. ივერიელის სახელობის ენდოკრინოლოგიის, მეტაბოლოგიის და დიეტოლოგიის ცენტრ „ენმედიცის“ წარმომადგენლებმა განაცხადეს, აქცია არ იყო ერთჯერადი და იგი მომავალშიც გაგრძელდება, რაც კარგი პრევენციაა დაავადებების ადრეულ სტადიაში გამოსაველენად.



ფრანგული ენის მასწავლებელთა კონფერენცია

თბილისის ილია ჭავჭავაძის სახელობის 23-ე საჯარო სკოლაში, გაიმართა ფრანგული ენის მასწავლებელთა პირველი კონფერენცია, რომელშიც მონაწილეობა მიიღო სსიპ ქრისტეფორე III-ის სახელობის ხაშურის მუნიციპალიტეტის დაბა სურამის 4 საჯარო სკოლის ფრანგული ენის მასწავლებელმა თამარ კურტანიძემ. მონაწილე მასწავლებლებმა კონფერენციაზე წარმოადგინეს განხორციელებული პროექტები. თამარ კურტანიძის მოხსენება მოხდა საუკეთესო სამუშაოში და მიწვეული იყო ვახშამზე საფრანგეთის ელჩთან საქართველოში.



„ამერ-იმერი“-სა და „ციერის“ ერთობლივი საღამო

3 ივლისს, ხაშურის სამუსიკო სკოლის საკონცერტო დარბაზში, თბილისის ბავშვთა ფოლკლორულ-ეთნოგრაფიული სტუდია „ამერ-იმერის“ და ხაშურის მგალობელთა გუნდი „ციერის“ ერთობლივი საღამო გაიმართა.

სტუდია „ამერ-იმერმა“ ხაშურში ამჯერად პროექტი „ჭიჭეობა დამე“ ჩამოიტანა. ორგანიზატორების განმარტებით, პროექტი მითოლოგიური ელემენტების შემცველია და ასახავს კეთილისა და ბოროტის ჭიდილს.

პროექტი 2017 წელს შეიქმნა და მიზანი საქართველოს ყველა კუთხეში მოგზაურობა და ადგილობრივ ჯგუფებთან ერთად საღამოების გამართვაა.

კონცერტის დასასრულს, ორგანიზატორებმა მადლობა გადაუხადეს მუნიციპალიტეტის მერიას, კულტურის სამსახურს და სამუსიკო სკოლას მასპინძლობისთვის და მხარდაჭერისთვის.

თბილისის ბავშვთა ფოლკლორულ-ეთნოგრაფიულმა სტუდიამ და ხაშურის მგალობელთა გუნდმა სამომავლოდ თანამშრომლობის სურვილიც გამოთქვეს.

„კმლურით და ვეკვავთ ქართულად“

აღნიშნული სახელწოდებით ბავშვთა და მოზარდთა შემოქმედებით განვითარების ცენტრში გაიმართა შემაჯამებელი საჩვენებელი საღამო. ღონისძიებაზე წარმოდგენილი გახლდათ სხვადასხვა წრეთა მთელი წლის მანძილზე შესწავლილი მასალა. საღამო საინტ-



ერესო ასპექტში წარიმართა, მოსწავლეებმა დამსწრე საზოგადოებას წარუდგინეს ცნობილი ქართველი პოეტების სტრიქონები, ქართული ტრადიციული ცეკვები, საესტრადო და ხალხური სიმღერები ორ ხმაში და ინსტრუმენტის თანხლებით, რამაც დიდი აღფრთოვანება და ემოცია გამოიწვია მსმენელში.

ღონისძიების ბოლოს, ცენტრის მენეჯერმა ალექსანდრე ჯოჯიშვილმა წრის ხელმძღვანელები დააჯილდოვა შესაბამისი დიპლომებით.

საღამოს დასრულების შემდეგ, მოეწყო ცენტრის მოსწავლეთა ნამუშევრების (ხატვის, ქარვის, თექის) დათვალიერება.



შემოქმედებით საღამოს ესწრებოდნენ: ხაშურის მუნიციპალიტეტის მერის მოადგილე და თანამშრომლები, საკრებულოს თავჯდომარე და წევრები, საჯარო სკოლის დირექტორები, ცენტრის მენეჯერი, თანამშრომლები და ბევრი სხვა საინტერესო სტუმარი.

შემოქმედებითი განვითარების ცენტრმა დაასრულა 2017 – 2018 წლისთვის გათვალისწინებული გეგმა და მომავალი სასწავლო წლისთვის ელოდება ახალ თაობას, რათა კვლავ იზრუნოს მათზე, თავდაუზოგავი შრომით და ძალისხმევით განავითაროს მომავალი თაობა და დაეხმაროს საკუთარი შესაძლებლობების გამოვლენაში. ცენტრი მუდამ მზადაა, ყოველგვარი ანაზღაურების გარეშე, მუნიციპალიტეტში მცხოვრებ ყველა ნიჭიერ მოსწავლეს, მათი სურვილისა და არჩევანის შესაბამისად (სხვადასხვა საგანმანათლებლო და სახელოვნებო წრე), მისცეს შესაძლებლობა პერსპექტიული განათლების მიღებისა და განვითარების.

სასწავლო ვიზიტი ესტონეთში

სსიპ ქრისტეფორე III-ის სახელობის ხაშურის მუნიციპალიტეტის დაბა სურამის 4 საჯარო სკოლის ინგლისური ენის მასწავლებლის ინგა გოგალაძის პროექტმა გაიმარჯვა კონკურსში „მასწავლებელი - მეგზური ევროპისაკენ“ და გამარჯვებულ მასწავლებლებთან ერთად, 4-8 ივნისს იმყოფებოდა ესტონეთის დადაქალაქ ტალინში სასწავლო ვიზიტით. სასწავლო ვიზიტის ფარგლებში, პედაგოგები გაეცნენ ევროკავშირის დაფინანსებით განხორციელებულ პროექტებს, ესტუმრნენ ესტონეთის პარლამენტს, მასწავლებლის უურნალს, გაეცნენ ესტონეთის საგანმანათლებლო სისტემას, მოინახულეს სკოლები და ტალინის ღირსშესანიშნაობები.

როგორც ქალბატონმა ინგამ ჩვენთან საუბარში განაცხადა, ვიზიტი მართლაც ძალიან სასარგებლო იყო და ამ ვიზიტისას მიღებული გამოცდილება დიდად წაადგება შემდგომ პედაგოგიურ საქმიანობაში.



შეინარჩუნეთ ჯანმრთელი სახსრები

ჩვენს ორგანიზმში ძვლები ერთმანეთს სახსრების საშუალებით უკავშირდებიან. ყოველი ძვლის სასახსრე ზედაპირი დაფარულია ხრტილით, სახსარი კი ისეა მოწყობილი, რომ ამ ხრტილებს შორის ხახუნის ძალა მინიმალური იყოს და ჩვენმა მამოძრავებელმა სისტემამ ყოველგვარ დატვირთვას გაუძლოს. ამას უზრუნველყოფს სასახსრე ხრტილის გლუვი ზედაპირი და სახსარშიდა სითხე, რომელიც სასახსრე ზედაპირებსა განაწილებული.

- მოძრაობათა მოცულობის შემცირებას და სახსრის ფუნქციურ შესაძლებლობათა დაქვეითებას.
 - სახსარზე მტკივნეული წერტილებისა და შემკვრივების არსებობას.
 - სახსრებში ხმაურს.
 - სახსარში დაჭიმულობასა და არასტაბილურობას.
- მძიმედ მიმდინარე ართროზის ბოლო სტადიაზე შეიძლება სახსრის სრული უმოძრაობა - განვითარდეს.

- როგორ მოვიქცეთ
- სამკურნალო ფიზიკულტურა ართროზის კომპლექსური მკურნალობის ერთ-ერთი რგოლია. გონივრული და ზომიერი ფიზიკური დატვირთვა სახსრის ფუნქციის შენარჩუნების სწორი გზაა.
 - მნიშვნელოვანია სანატორიულ-კურორტული მკურნალობაც, რომელიც ნებადართულია მხოლოდ და მხოლოდ დაავადების მიძინების სტადიაზე
 - აუცილებელია წონის კონტროლი.
 - სახსრის ფუნქციის შესანარჩუნებლად აუცილებლად უნდა ჩატარდეს ხრტილის აღმდგენი თერაპია, პაციენტებს ენიშნებათ ე.წ. ქონდროპროტექტორები, რომლებიც ძირითადად დაავადების I და II სტადიაზე გამოიყენება.

რა არის ქონდროპროტექტორი
ქონდროპროტექტორები ეწოდება ხრტილის აღმდგენ ნივთიერებებს და ასეთ ნივთიერებათა შორის დღეს განსაკუთრებულად პოპულარულია გლუკოზამინი და ქონდროიტინი. ეს ორი ნივთიერება ართროზის სამკურნალო და საპროფილაქტიკო არაერთ პრეპარატში შედის. ბრიტანული წარმოების ჯოინტეისი კოლაგენი კი სრულიად განსხვავებულია სხვა მსგავსი პრეპარატებისაგან და ამ განსხვავებაზე ქვემოთ მოგახსენებთ:

ჯოინტეისი კოლაგენის აბები წარმოადგენს მეცნიერულად შემუშავებულ ფორმულას ჯანმრთელი სახსრების, განსაკუთრებით ხრტილოვანი ნაწილის შესანარჩუნებლად.

ჯოინტეისი კოლაგენის შემადგენლობაში შემავალი ინგრედიენტების ზემოქმედებით ვლინდება ხრტილის აღმდგენი, ანთების საწინააღმდეგო და ტკივილგამაყუჩებელი ეფექტი, რაც აუმჯობესებს სახსრების მოძრაობას.

გარდა გლუკოზამინისა და ქონდროიტინისა, ჯოინტეისი კოლაგენი შეიცავს კოლაგენსაც.

კოლაგენი წარმოადგენს ხრტილის, ძვლების, იოგების, მყესების და კანის მთავარ სტრუქტურულ ცილას.

აღმოჩნდა, რომ სახსრის ხრტილის 90%-ზე მეტი წარმოადგენილია კოლაგენი ტიპი 2-ით. რომელსაც შეიცავს პრეპარატი ჯოინტეისი კოლაგენი.

როგორც კანში შემავალი კოლაგენი უზრუნველყოფს კანის ახალგაზრდობასა და სიგლუვს, ასევე ხრტილში შემავალი კოლაგენი უზრუნველყოფს სახსრის დაცვას ცვეთისა და დაბერებისგან

გლუკოზამინის სულფატი წარმოადგენს მნიშვნელოვან ნუტრიენტს ჯანსაღი სახსრების შესანარჩუნებლად. ორგანიზმის უნარი - გამოიმუშაოს გლუკოზამინის სულფატი - მცირდება ასაკთან ერთად.

ვინაიდან გლუკოზამინის სულფატს აქვს დიდი როლი კოლაგენის პროდუქციაში, ჯანმრთელი სახსრების შესანარჩუნებლად იგი ძალზე მნიშვნელოვანია, ვინაიდან ხელს უწყობს ხრტილის რეგენერაციის პროცესს. გლუკოზამინი ამარაგებს ასაკობრივად ან ტრავმის შედეგად დაზიანებულ სახსრებს ე.წ. საშენი მასალებით. იგი ასევე მონაწილეობს კანის, იოგების, ფრჩხილების, ძვლის, თვალის და გულის სარქველების რეგენერაციის პროცესში.

გლუკოზამინის სულფატი არ შედის მნიშვნელოვანი რაოდენობით საკვებში, იგი ბუნებრივად გამოიშვება ორგანიზმის მიერ.

ჯოინტეისი კოლაგენის შემადგენლობაში შედის დაბალმოლეკულური ქონდროიტინი, რომელიც ამცირებს კალციუმის დანაკარგს, აჩქარებს ძვლოვანი ქსოვილის აღდგენით პროცესებს, აფერხებს ხრტილოვანი ქსოვილის დეგენერაციის პროცესს, ასტიმულირებს სასახსრე ხრტილის რეგენერაციას, ხელს უწყობს სახსრის ხრტილოვანი ზედაპირის აღდგენას, ამცირებს ოსტეოართროზის პროგრესირებას და ამსუბუქებს მის სიმპტომებს.

მიკროელემენტები და ვიტამინები – მათ შორის ანტიოქსიდანტური ვიტამინები C და E. ასევე ვიტამინი, რომლებსაც ასევე შეიცავს ჯოინტეისი კოლაგენი, ხელს უწყობს ძვლის სიმტკიცის შენარჩუნებას.

პრეპარატის შემადგენლობაში შედის ჯინჯერი (კოჭას ექსტრაქტი), რომელიც წარმოადგენს მცენარეულ ანთების საწინააღმდეგო საშუალებას.

თუ გსურთ, რომ თქვენი სახსრები ღრმა სიბერემდე გემსახუროთ, ასევე – არ შეგაწუხოთ ოსტეოქონდროზმა, ადვილად არ დაზიანდეს სახსრები სპორტული დატვირთვის შედეგად, 40 წლის შემდეგ სასურველია წელიწადში ორჯერ, 3 თვიანი კურსით, მიიღოთ ჯოინტეისი კოლაგენი - საშენი მასალა თქვენი სახსრების ხრტილებისთვის.

მხოლოდ სახალხო აფთიაქის ქსელში!



ამოჭარბით ვაუჩერი და მოიტანეთ სახალხო აფთიაქში

მისამართი: ქ. ხაშური, რუსთაველის ქ. #3; კროლუძეთბე დამატებითი ინფორმაციისათვის დარეკეთ: 597 25 54 54
ვაუჩერის ვადა - 31 ივლისი

მაგრამ სხვადასხვა მიზეზთა გამო, ზოგჯერ სასახსრე ხრტილის სტრუქტურა ირღვევა, უხეშად რომ ეთქვას, ხრტილები ცვდება და მისი ზედაპირი გლუვი აღარ არის. სახსარში ჩნდება ძვლოვანი წანაზარდებიც. შედეგად კი მოძრაობა ხდება მტკივნეული, ადამიანი იძულებულია, მოძრაობა თანდათან შეზღუდოს და ბოლოს საქმე იქამდეც კი მიდის, რომ სახსარი მთლიანად იკეტება.

სწორედ ასეთი პროცესები აღინიშნება ართროზის დროს. ალბათ გაინტერესებთ, რა იწვევს ართროზს.

ართროზის განვითარების მიზეზთა შორის განსაკუთრებულად უნდა გამოიყოფოდ:

- ხანდაზმული ასაკი
- ტრავმა
- სახსრების ანთებითი პათოლოგიები
- ნივთიერებათა ცვლის დარღვევა ორგანიზმში

დღეს მსოფლიოში ართროზით მილიონობით ადამიანი დაავადებული. რას გრძნობს პაციენტი ართროზის დროს:

- მექანიკური ხასიათის ტკივილს.
- დილის შებოჭილობას 30 წუთის განმავლობაში.

D განცხადება

2018 წლის 19 ივლისს, ხუთშაბათს, დღის 10 საათზე, დანიშნულია შპს „ავტოსერვისის“ პატრნიორთა კრება განმეორებით.

დღის წესრიგი:

1. შპს „ავტომოტოსერვისის“ დირექტორის თენგიზ ხარაზიშვილის გათავისუფლების საკითხის განხილვა/გადაწყვეტა.
2. ახალი დირექტორის დანიშვნა.
3. სამეთვალყურეო საბჭოს არჩევა.
4. აუდიტის მოწვევა.

პატრნიორთა დასწრება სავალდებულოა

T: 599394245

ხაშურის მუნიციპალიტეტის მერია და ხაშურის მუნიციპალიტეტის საკრებულო ღრმა მწუხარებას გამოთქვამენ მოზარდების გიორგი ლაცაბიძისა და ნიკა მიქოიანის ტრაგიკულად დაღუპვის გამო და თანაუგრძნობენ განსვენებულთა ოჯახებს.

„ხაშურის მოამბის“ რედაქციის თანამშრომლები ღრმა მწუხარებას გამოთქვამენ მოზარდების გიორგი ლაცაბიძისა და ნიკა მიქოიანის ტრაგიკულად დაღუპვის გამო და თანაუგრძნობენ განსვენებულთა ოჯახებს.